

crimis Christus frequenter compassus ad multarum animarum eum dilatavit profectum, ut expenderet in lucrum *duo talenta*, opus et intellectum, et acquireret sibi Domini sui *euge* secundum evangelium et *intraret in gaudium sempiternum*.⁴⁸

100 *Beati, inquit, mites: quoniam ipsi possidebunt terram.*⁴⁹ Non enim⁵⁰ erat ille potens in iniuitate, quem David reprehendit, usquequo hominem Deum adiutorem sprevisse et in iniuitate sua pre multis divitiis prevaluisse asserit⁵¹, dicens se non esse sicut *qui dilexisset malitiam super benignitatem*,⁵² sed ego, inquit, *sicut oliva fructifera in domo Dei speravi in misericordia Dei in eternum et in seculum seculi*.⁵³ Et alibi exortos esse peccatores, ut fenum⁵⁴ exaltabitur, inquit, *sicut unicoris cornu meum et senectus mea in misericordia uberi*.⁵⁵ Cumque esset honore actuque serenus utilitati tam sue quam cunctorum prospiciens, humilis mansit et⁵⁶ quietus, mansuetus et reverendus observans dominici iura mandati: *Discite a me, quia mitis sum et humilis corde, et invenietis requiem animabus vestris*,⁵⁷ via triumphans, virtutes examinans, pro civium salute dimicans, prudens eloquio, fortis in adversis, dispensans munia servis, iustus in iudicio, discretus in omni virtutum experimento. Sollicitus ergo ad omnia nil concupivit terrenum, cognoscens in fide, spe et karitate celestem esse thesaurum, cuius nocte dieque totis viribus anhelabat lucrum. Totus igitur conversatus in celestibus, divino rebus in omnibus obsecundatus est imperio, preclarus in miraculis, vacare non desinens virtutum almis meritis. Quem potestas adversa explorans obtrectare non desiit, sed oppugnare⁵⁸ non potuit, qui, dum impugnare non desiit, per potentiam sancte crucis antiqua depredationis vasa perdidit. Erat enim triumphator in gentibus antiqui hostis deceptis erroribus et propagator divinorum preceptorum industris, fervens zelo iusticie et dilectionis. Quem omnipotens Deus in sua serie ad eternam vitam vocavit et in parte sortis sanctorum in lumine constituit. Quoniam⁵⁹ autem quicquid preciosum erat, elegit ipsum ut os suum dilexit, quem nomine eterno hereditavit, quia trinitatis gratiam, que est *turris fortitudinis a facie inimici*,⁶⁰ custodivit et effectus est catholicus in orthodoxa fide, persecuens fidei inimicos canonico dogmate. Talibus magnopere exemplis studuit regulam ponere, auctoritate proficer, sententiam rerum gerere, donec, ut dignum erat, merito optinente an nisu ac miseratione superna effectus est lux in Domino, participatione lucis eterne transsumptus in ipsam et assumptus in patria ad splendorem perhennis glorie, consors iam⁶¹ in omni plenitudine liberioris gratie. Quem sancta trinitas ascivit cum an-

⁴⁸ Mt 25,22-23

⁴⁹ Mt 5,4

⁵⁰ fehlt D

⁵¹ asseri D

⁵² Ps 51,5

⁵³ Ps 51,10

⁵⁴ vgl. Ps 91,8

⁵⁵ Ps 91,11

⁵⁶ fehlt D

⁵⁷ Mt 11,29

⁵⁸ obpugnare T1

⁵⁹ Quantum D

⁶⁰ Ps 60,4

⁶¹ tam D